

KAKUTAKWE MALI NA

KAKUTAKWE MUULO



Ncoolwe ncobeni kujoka ku cikombelo, kuseeni okuno. Ndila libuzya nconzyo. . . Mukwesu Neville waamba kuti banji teeba konzya kumvwa kusule. Sena mula konzya kundi mvwa kabotu ono, kusule oko? Sa oko kuli kabotu? Mbubo. Ndili—Ndili aniini, aboobo Nde elede kupanga coongo cinji kutegwa bantu bazibe kuti Nko ndili.

² Nda yeeya ciindi cimwi Ne kali kubeleka ku Makwebo Aabuleya. Kandi ntana matantilo. . . Elyo Nda kali kusama mabbusu mapati ncobeni, a mpikili muli ngawo, kuzwa ku kweenda mu ntambo zya malaiti manji. Elyo Nda kali kuttanta matantilo. Elyo Muka. Ehalt, mweenzuma wangu, wakali ku swicciboodi. Ndili masimpe Ba. Ginther okuya inga wamuziba, kabotu loko. Aboobo Edith wakati, “Billy, upanga coongo cinji, ku kuba muntu muniini oyo, oyo Ngwe kasola kubona.” Nke selemuna majombo mapati ayo ajisi mpikili, nketanta matantilo.

³ Nda kati, “Ee, Edith, Ndili musyoonto kapati, Nde elede kulekela onse kuziba kuti Nko ndili, kupanga coongo cinji.”

⁴ Ee, Nda kanjila buyo mu kwiitwa. Mukwesu Neville wandambilide kuti mweenzuma mubotu, Mukwesu Roy Roberson, tako mukuswaangana kuseeni okuno, ku kaambo kakuti uli cisidwe. Yakwe. . . Nda kajisi ilino lya kabikkwa mukati. Kuletwa akuyambukilwa kwa bulwazi, a ku mupa ntuntumaanzi. Elyo uyanda kuyo lijuzya, Nda yeeyela, cakufwambaana. Elyo Roy uli mbuli taata kuli ndiswe okuno, nkabela tula muyanda. Elyo Nda kati, “Mukwesu Roy, Ndila—Ndila njila ono, mu maminiti buyo masyoonto, mu kuswaangana.” Nda ti, “Ndiyo lomba mbungano kuti toonse tu kukombele, kuseenei okuno,” elyo juunza cindi nai nka, kuyo bambisya leeli. Ilino lya kakomena kupilingana, na cintucimwi caka sekkwa mukati buteensi, alimwi beelede kulitenda, akuli gwisya.

⁵ Mukwesu Roy ngu siluzibo kapati, mbuli nyoonse mbo muzyi, kuzwa ku Lumamba Lwanyika Lwabili, oyo waka dubulwa cakuzapaulwa. Elyo ikuti nibwaatali bubotu bwa Leza, natali kupona nokuba. Wa kali lazikidwe akati ka bafu, kwa ciindi cilamfu; maanza akadubulwa omu, a mauulu akadubulwa, a nsinga zya kubongo zyonse zya nyonganisigwa. Elyo dokotela wakati, “Ikuti na kacipona lyonse, ta keendi ntaamo.” Ku luzyalo lwa Leza, ula beleka abuzuba, katanta a zintuzyonse. Leza

wakaba mugwasyi kuli nguwe nkaambo walo muntu uli kabotu, nkabela tula muyanda. Elyo swebo, tatu—tatu li pe. . .

⁶ Ikuti na twa pona kabotu, eco ta caambi kuti twa kasitwa kuzwa ku mapenzi. Mukasimpe, caamba kuti mapenzi onse ala laililwa munzila zyesu. “Nkambo kuli mafwabi manji ku mululami, pele Leza ula movuna kuli ngawo onse.” Eco ncibeela cabulemu.

⁷ Aboobo tula lomba mupailo musalesale kuseeni okuno, wa Mukwesu Roy. Nda libuzya na kuli umwi omuno, nekuba, uyanda kupaililwa, uyanda kwiibalukwa mu majwi a mupailo? Walombwa buyo kutambika maanza ako. Yaa. Eco ncibotu. Atwi imikile buyo asyoonto, ikuti na mula yanda, kuciindi notupaila.

⁸ Mwami, twa sika sunu, ku matalikilo aa sabata. Alimwi zuba liya butola nzila yalyo eno, kuulukila atala lya inyika, ku kuleta mumuni a buumi ku zintu ezyo nko lyaka salilwa kucita boobo. Elyo ku matalikilo a kuswaangana, kwalo tuli caabilo ca Mbungano Yako, eyo yakaitwa kujatilila miswaangano ya kuponya, kuponya kwa kunyama ya mibili, kukuzulizya kuyanda a kulombozwa kwa Mwami wesu ulelekedwe Oyo wa kayaswa nkambo ka nsotoko zyesu, nkabela ku mibunda Yakwe twa kaponesegwa, elyo tu yanda ku lomba, ku matalikilo a kuswaangana, mbuli mbo kotalika kuuluka amababa ako, mu lwiimbo, a myoyo yesu yatalika kusumpulwa, kuti inga twa ibaluka, kuseeni oku, Mwami, mukwesu wesu, uuyandwa kapati, Roy Roberson, mulanda Wako mubombe. Elyo tu lizi kuti Wa kavuna buumi bwakwe mu masena aankondo, alimwi Wa kali mugwasyi kuli nguwe. Elyo sunu wa ciswa cilwazi, cakuti taakonzya kujanika ku cikombelo.

⁹ Elyo Mwami, kuciindi niba kali kukomba mu ng’anda ya John Mark, kwakali Angelo wakaseluka mu ng’anda ya ntolongo, oko Petro mwakali mu bwaange, mpaawo milyago yaka juka, camaseseke, aku musololela kuzwa.

¹⁰ O Mwami, Yebo ucili Leza. Abo Baangelo bali ku kulaililwa Kwako kuseeni okuno. Twa lomba, Mwami, kuti kuciindi notu paila omuno mu ng’anda ya Leza, kuti Baangelo bayo selemukila ku ng’anda ya Mukwesu Roberson. Kuyanda kwakwe nkuba ku busena bwakwe okuno, pele cilwazi camu kasya. Elyo akube kuti Baangelo ba Leza bamu vune, ku muponya, kutegwa aka konzye kubweza busena bwakwe ku ng’anda ya Leza.

¹¹ Kuli bamwi bambi ba kainda mu kufwaba, bali—bali cisidwe. Alimwi twa mubona mwanakazi wacipati, mbuli mbwali kutandila kubweza cuuno cakwe, watambika maanza akwe, cindi naali kubbantaila ku matende akwe. Waa sika ku ng’anda ya Leza, kuzo ponesegwa. Kopa, Mwami, kuti ulauka kaenda, akusyuuka a bukubusyi bwa mwanakazi muniini.

¹² Bonse bamwi batambika maanza abo, bunji bwa ngawo anyamunwa, nkaambo kuli lembedwe, alimwi kwa kabalululwa

mu ziindi zitaanzi, “Kuli mafwabi kuli mululami, pele Leza ula muvuna kuzwa kuli ngawo onse.” Akube kuti tuuluke kuzwa sunu mu lusyomo, maboko aa lusyomo, ayo tuvuna kuzwa ku kuciswa a mapenzi. Cindi kuswaangana kwagola, akube kuti kutabi uukompeme umwi akati kesu.

¹³ Kopa, Mwami, kuti onse uutasyomi abe musyomi. Elyo mbuli mbo tuyeeyela aa Ijwi Lyako, akube kuti Muuya Uusalala Uli bweze aku Li bikka mu myoyo yesu, alimwi awo ku Li tilaila kusikila Li kabe micelo ya Ijwi. Kotu citila ceeci, Mwami, mbuli mbo tuko tamikide mitwe yesu cabubombe mu Zina Iya Jesu. Amenii.

Inga mwa kkala.

¹⁴ Kakutana kunjila mulumbe wa kuswaangana kuseeni okuno, Ndi yanda kuti mubikke mu mizeezo yanu, munsiloko aniini. Ikuti na kuli umwi wanu ujisi kulyookezya, nkabela uyanda kuyo janika kuli imwi miswaangano iyo citikila mu Middletown, Ohio, kutalikila mu Muvulo, mu mvwiki, iyo beda ku masena aazivuka.

¹⁵ Sena uli buzi zina busena bwa zivuka, Gene? [Mukwesu Gene wati, “Kwakategwa yakali maile kuzwa ku Middletown.”—Mu.] Mukwesu Sullivan. Middletown ndi dolopo liniini, Ndi yeeyela kuti litandila mbuli Jeffersonville okuno. Mbusena bwa bbasiketi bbo. Mukwesu Sullivan walo mweembeli okuya. Kufumbwa imwi ya mabungano a Makanimabotu Aazwide, kwalo ali makumi ali cisambomwe agambya kubelekela antomwe mu muwsaangano oyu, baya kukonzya kumwaambila oko masena azivuka nkwabede.

¹⁶ Elyo kuya kuba twaanda tuniini a masena azivuka, obo Mbwe kaambilwa, kukumamela bantu abo bayanda kuyo boola. Elyo Miswaangano iyo talika mu Muvulo kusika mu Mujibelo, mazuba ali cisambomwe. Elyo taukabi Munsondo, nkaambo ka mabungano amwi, kutegwa bakonzye kuba kuswaangana kwa lyoonse. Antela, kuyooba kuswaangana kwa kuponya, na mipailo ya baciswa, busiku abumwi. Elyo onse muntu uli tambidwe. Elyo oku kuya kutalikila mu Ivwivwi wa 10, kusika mu 15, Muvulo kusika mu Mujibelo. Elyo ikuti na ujisi kulyookezya, alimwi—alimwi ujisi kulyookezya kuboola, nkabela uyanda kuyo kumanizizya munzi ili boobo, ee, masimpe tuyo kkomana ku kutambula.

¹⁷ Ndi yanda kuyumyayumya akwalo kuli baabo bata bbizigwa mu lubbizyo lwa Bunakristo, basyaale kuseeni okuno a ku ciyeeya. A kulibambila ku mulimo wa lubbizyo uya kutobela kutandila maminiti ali makumi one aosanwe eno, Nda yeeyela. Oko kulabeda okuno ku cikombelo.

¹⁸ Tuli yeeme ku kuyumyayumya bantu kubbizigwa mu lubbizyo lwa Bunakristo, mukuziba kuti nciyandisi ku lufutuko. Nkambo kuli lembedwe kwindi ku Mwami wesu, kulailila

Kwakwe kwamamanino, kulailila Kwakwe kwamamanino ku Mbungano. Na, mbuli Mbwa kalailila Mbungano, kumamanino, Wa kati, “Kamuya mu inyika yonse, akuyo kambauka Makanimabotu ku bantu boonse. Oyo uya kusyoma aku bbizigwa uyo futuka.” Aboobo tu lizi kuti nciyandisi kuteeti twe elede kubbizigwa kwinda ku kunyikizigwa.

¹⁹ Elyo tuyo botelwa kuba a mulimo oyu kuli nduwe, kuli umwi walamwa mu moyo wakwe kuti Jesu Kristo Mwana wa Leza, oyo Wa kafwida kuvuna basizibi, alimwi wakali nduwe Ngwa kafwida kufutula; nkabela uyanda kuboola a kubbizigwa mu Zina Iya Jesu Kristo ku kujatilwa kwa zibi zyako; kwaamba, ku inyika, kuti ula syoma zibi zyako kuti zyajatilwa, nkabela eno uyooba sikwiiya wa Mwami Jesu, ku kubweza kwiima kwako.

²⁰ Ikuti na tokwe mbungano ya kwiinka, inga twa kkomana kuba anduwe ku swaangana aswebo. Ta tujisi mamembala okuno. Calo ncikombelo ca boonse, ca onse Mubili wa Kristo, akabungwe konse. Tula imikila mbuli kabunga kaabanwa tubungwe tonse. Alimwi tula jula milyango ku bantu bonse, takukwe makani mbobabede, mubala, mukowa, na kansiyansiya, boonse bali tambidwe. “Kufumbwa uyanda, aboole.” Elyo ikuti na tokwe mbungano imbi, inga twa kkomana kuli nduwe kuboola buyo akuzo swaangana a swebo. Taakwe cintu cakusangana. Koboola buyo moonya mukati cindi milyango yajulwa, a kuswaanana a swebo. Nku konse kuyandikana; koboola buyo mbuli boobo. Boola a moyo ujukide, bikka makuko ako ku vwili, aku tugwasya mbuli mbo bindaannina kumbele nkambo ka Bwami bwa Leza. Nkambo, tula syoma kuti oora, calino lili afwaafwi, kuti cindi zintu zyonse zya kaambwa mu Bbaibbele ziyo zulizigwa.

²¹ Taakwe kuzumbauzya pele bunji bwanu bwaka kabala ka Khrushchev, kaambo kakwe ku U.N., buzuba bumwi, mbuli mbo kakabalululwa kuli ndime kuzwa ku mutende waku Canada, kwinda ku mweenzuma. Wa kati, “Ikuti na Leza mpali, Uli libambilide kumwaya a kusalazya tempele alubo, anywebo nobana kkapitalisti, mbuli Mbwa kacita ku matalikilo.” Aboobo eno inga mwabala akati ka mizila, “Uli libambilide kumwaya tempele alubo.” Elyo cabubi, muna kkominiisti inga weelela kwaamba cintu mbuli ceeco? Wa kajisi cintucimwi, nekuba. Mbo mbubo. Bakali bana kkapitalisti, ku matalikilo, bakaleta mapenzi. Tuli bana kkapitalisti.

²² Nda kamumvwa mweembeli, wesu uyandwa kapati, Mukwesu Neville, kaamba aa televizhioni yakwe. . . na kapepele ka redio, kuseeni kumwi, oko kwa kaloolola maningi, mu mizeezo yangu. Nse konzyi kuciluba. Nda kacibalulula ku mweenzuma, masiku ainda. Elyo eco cakali ceeci, kuti kuya kuba. . . Kumane kugwisya Muuya Uusalala, kuzwa aa nyika, kuti bukombi bwa mbungano ya tulengwa iyo zumanana nconzyo, mukutaziba lwandaano. Sena mwakasola, ku. . .

Mbangaye bakacimvwa eco? Sa eco cakali kukankamanisya? Taba uzyi Muuya Uusalala, aboobo taba kazibi cindi Wa kuunka, alimwi bayo zumanana nconzyo mbubonya buyo. Cindi umwi wamamanino akunamatikwa mu Mubili wa Kristo, bacino zumanana, kusola kuleta basanduki kuli Nguwo, nkaambo taba Uzyi kuti niinzi. Elyo bukombi bwabo bwa tulengwa buya kuzumanana mbubonya mbuli mbo bwakabede. Lino, inga tee camvugwa loko kuli ndinywe mbuli mbo cacacita kuli ndime, pele ako kakali kaambo kakankamanisya. Kuti, bayo sakana loko, buyo mu zilengwa zya bukombi, kusikila tabafwi nyota ya Muuya Uusalala, nkaambo tabazyi kuti Walo niinzi, ku kotalika.

²³ Leza koba aluse kuli ndiswe. Mukwesu, Ndi yanda kupona mu buumi obu, a kuyandisya kwangu, mane ikuti akwalo kusyoonto kwa kupenzya Nguwe, Njo ciziba mu moyo wangu. Nde elede kucita cintucimwi eco cinga ca Mu penzya, inga Nda konzya kucimvwa mu kaindi buyo kaniini.

²⁴ Amuleke kulikke, kutaba Kwawo; Nse yandi kuba okuno cindi Ata akuba okuno. Ndi yanda kuno unkide eelyo, iiyi munene, nkambo takukabi Bulowa aa cuuno ca luse. Kuyooba mudima a busi bunji a kusiya. Busena busalala tabuno jisi Loya okuya, wa kukombelezeya kaambo kesu ku cindi eco. Mulizi na kuti Lugwalo lwaamba boobo? Busena busalala bwakali kusuka busi. Kwakanyina Bulowa aa cuuno ca luse, mpawo ndubeta.

²⁵ Ikuti na Mwami aka, cindicimwi kumatalikilo a butololo obu, kutupa lubukulusyo lwa masiku masyoonto, Nda kacibamba mu mizeezo yangu, Ndi yanda kuyo bweza eelyo Bbuku Iya Ciyubunuzyo, ku kwiiya ndilyo, kuzumanana buyo kuselemuka muli eelyo Bbuku Iya Ziyubunuzyo, kuyabuya.

²⁶ Lino, sunu, Ndi lizi kuti kuli banji basika, kuzo kombelwa. Alimwi ofesi yangu yali jalidwe sunu, na mvwiki eyi. Elyo bantu bamwi bakali sikide, teeba kajana coolwe caku kombelwa, kubusena okuya, nkaambo kakuti balombe bakalizwide, kwa buzuba na obo, ku kupumuna. Ba jisi mulimo munji bwa kucita; milimo yabo, kusanganya mulimo waku cikombelo, a kutuminwa kwa mafooni angu a zintuzyonse. Cila fwambaana ku kujata kunsinga zyako zyaboongo. Elyo aboobo mpawo nke kaambo. Ndi lizi kuti Nde elede kuunka kubusena bumwi, ziindi zisyoonto, a kucita cintucimwi caandene, elyo Ndi lizi kuti balacita, abalo. Aboobo, bakandi tumina. Nda kati, “Ndi yeeya kuti ciyooba kabotu.” Elyo tula kombela baciswa, mu ziindi zisyoonto.

²⁷ Elyo Ndi yeeya kuti inga twa bala amwi kuzwa ku Ijwi Iya Leza. Ikuti na uli jisi Bbaibbele Iyako ono, atu jule ku Bbuku Iya Isaya. Ndila botelwa ku kubona kubweza Bbaibbele Iyako aku Li bala. Nda bala. . . Ikuti na kubala buyo bbala na Majwi obilo, nekuba, Ndi Ijwi Iya Leza, Litamani Litafwiki. Tali konzyi kuloba. Chipati ca 55 ica Isaya, ciiyo, “I lufutuko luteeli.”

Aa, aumwi uufwa nyota, aboole ku meenda, alimwi a oyo uta jisi mali; aboole, aule, a kulya; inzya, boola, uule waini. . . mukupa kakutakwe mali alimwi kakutakwe muulo.

Nkaambonzi nco mu belesya mali kuli ceeco citali cinkwa? alimwi kubeleka kwako kuli ceeco cita kikutyi? amuswiilile camoyo onse kuli ndime, a kulya eco cibotu, a kulekela muuya yanu kulibotezya mu zilweela.

Amupempeke matwi anu, nkabela amu boole kuli ndime: amuswiilile, nkabela muuya wako uya kupona; nkabela Njo panga cipangano citeeli a nduwe, noluba luse lwakasimpe lwa Davida.

²⁸ Ndi yanda kukanana kuli ndinywe, ziindi buyo zisyoonto a ciyyo cakuti: *Kakutakwe Mali Na kakutakwe Muulo.*

²⁹ Kuli zintuzinji loko zisangabalisya izya mazuba ano. Kuli kunji loko koongelezya ku bantu kuli ceeco nco twiita kuti “misaalo,” alimwi nkwa bantu boonse, misela yonse.

³⁰ Kuli koongelezya ku bantu bakubusyi, zizyano zyabusyaasunu a maparti a cizyano cakuliyuumba buniini, a ciimbo eco ceelede kuunka ancico. Elyo konse nkoongelezya, kwa kusangabalisya.

³¹ Ta ndikwe makani kubota kwa muunzi mwana mwaka komezegwa, a mbwa kayiisigwa kucita ziluleme; ikuti na oyo mwana tana zumina lujano lwa Kuzyalwa kupya, ciimbo cakuliyuumba buniini ciyo jata kuswiilila kwakwe mpoonya buyo aku cimvwa. Nkaambo, muli nguwe, kwakazyalwa muli nguwe, ku bulenge, muuya akunyama. Alimwi nguzu zya dyabulosi zipati loko, sunu, kusikila zijata muuya oyo mwana muniini.

³² Elyo mbobuti kunji mbouya kucita ku bapati, mpawo, abo baakaka Kuzyalwa kupya! Nkaambo, biyo mbuli buumi bwa cincwa, alimwi wakasanduka a kuzyalwa cabupya, mu Bwami bwa Leza, bulenge bwako bucinooli bwa zintu zya inyika, takukwe makani obo mboli mukombi, citakuti obo bwakacincwa muli nduwe. Inga wakomba akuba sibukombi, pele nekubaboobo uyooba a musyobo umwi wa nguzu zikwela kuli nduwe, nkaambo oyu mudaala wa cibi a kuyandisya kwakwe tazina kufwa pe.

³³ Pele lekela Kristo lomwe abweze cuuno cabwami mu moyo wako, ezyo zintu tazino penzyi. Nku pati maningi.

³⁴ Nse konzyi kwaamba zina lya mwaalumi, nkambo Nse konzyi kuliyeeya zina lyakwe lino, pele bunji bwanu mula muyeeya. Ba amba kuti kwakali kasuwa oko bantu nkoba kali kwiinka, mu kusaala kugambya, alimwi banakazi bakali kunga bayutuka, kabaimba. Elyo nyimbo zyabo zyakali kusungilizya loko, cakuti basimaato bakali kwiinda, mu maato, bakali kunga

kasika. Elyo mpawo bamasooja bakali kusaala cakugambya bakali—bakali kujata abo basimaato kuzwa kubulindizi, aku bajaya. Elyo muntu umwi mulemu wakali kuyanda kwiinda. Elyo wa kacitya basimaato bakwe kumwaangilila ku poolo lya ndembela, a—a—a kubikka cintucimwi mu mulomo wakwe, kutegwa katakonzyi kukwiila; elyo—elyo kubikka tusinsyo mu matwi aa basimaato, kutegwa batakonzyi kumvwa, a kweenda ambali, ku cimvwa. Elyo banakazi bakazwa, kabazyana a—a kukwiila, a kwiimba, alimwi oh, kwakali kupati loko, kusikila wa kanyona kuyuba a kuboko kwakwe, kakwiila kuli basimaato, “Amu njile! Amu njile!” Pele tiiba kakonzya ku mumvwe, ba kabikkide tusinsyo mu matwi abo.

³⁵ Elyo mpawo wa keenda ku busena bumwi oko nkoba keelede kumu gwisya ku ndembela, na, kwaangununa maanza akwe, alimwi wa kali kuyanda kugwisya tusinsyo kuzwa ku matwi akwe. Awo, cindi keenda mu tugwagwa, wa kamvwa mwiimbi wakali mubotu loko kuciimo kusika kunselelo okuya, cakuti cindi nakainda alubo, ba kati, “Oh, sikweendauka mupati, tu kwaanga ku poolo ya ndembela alubo?”

³⁶ Wa kati, “Peepe, amu ndaangunune buyo. Nda mvwa cintucimwi cipati maningi, kusikila eco tacikandi penzyi limbi.”

³⁷ Eyo nje nzili ku Munakristo wakazyalululwa. Ba kajana cintucimwi cipati maningi kwindi zizyano zyakulyuumba buniini a kulisangabalisya kwa inyika eyi. Ba sangabalisigwa aa Muuya Uusalala. Walo mupati maningi, kusikila inyika ili fwide kuli mbabo.

³⁸ Pele cindi wa inka ku kasangabalisya oku kutakweankokuya, weelede kuyeeya kuti ujisi mali manji loko. Ii mulombwana mukubusyi utola mweenzinyina musimbi ku maparti aya a zizyano ezi, azimwi zimbi, uyo bbadela loko ku kuvolwa kwakwe kwa mvwiki. Elyo bantu bakaindi basola kujana misaalo mu kwiinka ku maanda amakoko, kunywa kugusya buusu bwa mvwiki, bayo yandika kubbadela mali manji. Elyo ino ncinzi ncoba jana kuzwa kuli nico? Taba jani cintu cita kuciswa myoyo.

³⁹ Elyo yeeya, weelede kuyo cibamba kuli Leza buzuba bumwi. “Elyo bulumbu bwa cibi ndufu.” Taakwe ncopanga ano a nyika, kuli ndico. Nku balama kwa bubeji. Kunywa kuyo yungizya biyo buusu. Cibi ciyo yungizya biyo lufu atala a lufu. Kulingula kwako kwamalekelo kuyo pambulwa kuzwa kuli Leza, Cabutamani; kuya mu Ziba lya Mulilo. Alimwi tokonzyi kujana cili coonse, cita kusweekelwa.

⁴⁰ Mpawo Leza wasika a kubuzya mubuzyo, “Nkaambonzi ubelesya mali ako ku zintu ezyo zita kutwi? Nkaambonzi nco cicitila?”

⁴¹ Ncinzi cibamba muntu kucicita? Bala manisya koonse nkoba jisi, konse nkoba konzya kuvola, kuula zyakunywa, kusamika

banakazi mbe beenda abo, a musyobo umwi wanyika, misaalo ya zisusi.

⁴² Pele tu laambilwa mu Bbaibbele, alimwi bala tambwa kusika kuli Leza, “A kuula lutangalo Lutamani a Buumi Butamani, kakutakwe mali na kakutakwe muulo.”

⁴³ Ezyo zintu ta zikonzyi kukkutwa, alimwi magolelo azyo ndufu Lutamani. Alimwi ciku tolela mali onse ngo konzya kubikka antoomwe, kuba i—i siudubula mupati na sikusangabalisya, na musankwa sikudana, na kufumbwa mbonga waba, na musimbi simpuwo, na kufumbwa mbocibede. Ciku kutolela conse nco konzya kubikka antoomwe, ku kucita ceeco. Kusama zisani zyaatala maningi, alimwi—alimwi kucita zintu inyika nzoi cita, biyo kutebula ceki lya lunyonyooko Lutamani.

⁴⁴ Leza wakati, mpawo, “Nkaambonzi?” Ino tuyo citanzi ku Buzuba bwa Lubeta, cindi twa kubuzigwa kuti, nkaambonzi twa kacita ceeco? Ino buyooba bwiinguzi nzi bwesu? Ino buyooba bwiinguzi nzi kuli America yabuyaasunu, eyo yaamba kuti ncisi ca Bunakristo? Alimwi kuli mali manji aulwa mawisiki, mu ciindi ca mwaka, kwiinda aliko kuli zyakulya. “Nkaambonzi kubelesya mali ku musyobo oyo wa zintu?” Nekubaboobo, mfulumende inga kutumina ku ntolongo, nkambo ka madollar osanwe akkwana mitelo njo katuma ndiza ku kabunga kamwi ako kata luleme ku ncililano kutambula mitelo, kutuma missinari kumasena alandukwa lwizi. Tuya kubuzigwa buzuba bumwi, “Nkaambonzi wa kacicita?”

⁴⁵ Tuli cisi ca Bunakristo, a mabbilioni alatumwa ku bantu abo okuya, cakuti tu sola kuula bulongwe bwabo. Lino bali muku cikaka. Ta cigambyi Khrushchev wakati, “Ikuti na kuli Leza, Uyo pyaanga palesi Yakwe kuti isalale alubo.” Bahedeni bala konzya kwaamba twaambo oto, ku kuleta masuse ali ndiswe. Ino ncintu cabufuba! Alimwi tula liita tobeni kuti Banakristo.

⁴⁶ Leza wakati, “Muboole, muule Buumi Butamani, kakutakwe mali, kakutakwe muulo.” Buumi, kupona kwalyonse, nkabela twa Bu futatila a kuseka kumeso Aakwe. Ino tuyo citanzi ku Buzuba obo? Ino kuyooba . . . ?

⁴⁷ Ikuti na Leza watupa zintu zya kucita, aku tupa mali, aku bamba kuba cisi civubide maningi kungsi lya majulu, mpawo Leza uyo buzuya, ino twa kacita nzi ambubo. Nkaambonzi tubelesya mali esu ku zintu zita kikutwa? Kutali biyo ku cisi, pele kuyooba ku bagame; kuzwa ku masheleni, kusika mu mamilioni aa madollara, aumwi ngayo pegwa.

⁴⁸ Kakuli bantu bala jayana: Nda kabala caano caino, oko basankwa bobile babeleka mu kkempu ya kuvwimina. Umwi waka jisi bana bosanwe, umwi umbi waka jisi bobilo. Elyo umwi wabo waka lesegwa ncito. Elyo umwi wa basankwa waka jisi bana bobilo, na bana bosanwe, wakalimvwa kuti

wa kali kuyandikana mulimo kwinda umwi waka jisi bana bobilo; nkabela wakaunka kuyo vwima anguwe, nkabela wa kamudubula kusule.

49 Mali, oyo ngo musyobo wa cisi, oyo ngo musyobo wa kulimvwa, oyo ngo muuya weendeleza bantu.

50 Mpawo inga mwabona mbo kuli kuyandisi Kuzyalwa kupya kweelede kuba. “Weelede kuzyalululwa.” Ku leelede kuba. “Amuboole kuli Ndime, nkabela muule kakutakwe mali.”

51 To konzyi kuti, “Nse jisi mali.” To yandikani mali amwi. Kula pegwa cabuyo.

52 Swebo tobana America tuyeeme loko ku kulibbadelela nzila zyesu ku zintuzyonse. Oyo ngo mwaambo wesu. “Tula bbadelela zintu. Tuli jisi mali.” Kuvukauzya mali esu aa madollar ku masi ambi, azimwi zimbi, ezyo zicete. Kweenda mukati, mula babona basikweebela zilengwaleza kabasika, boonse mu mapepe a kubota. Bana America bala bacitila. Ezyo zintu nzya mali azwa kubusofwi alasesemya mu meso a Leza. Ayo takauli nzila yesu kuya ku Julu. Pele zintuzyonse mu America, tweelede kubbadelela nzila zyesu.

53 Mula unka ku marestranti, kuyo lya zisusulo zyanu. Ikuti na topi mali aa tafule, kupa mali kuli oyo ukutauka aindilila, kuli kusyulungana kusika ku meso, kakuli ula bbadela ku kkampani eyo nja belekela. Elyo ayo nokuceya eeledde kuba maseenti ala kkumi, na ainda, a mali yako. ikuti na tociti, oyo sikukutauka ula kucimwa mbuli muunyu kumali na musyobo umwi wa ii—ii simuyanda mali kalimumama. Kakuli, ula jana mali akwe. Ndi yeeya kuti ndisampu a mause, ku cicita. Ndi yeeya kuti kubeteka kubi ku cisi. Cakali kucitika, bantu babotu, masena mabotu, teeba kali kucizumiza eco. Pele conse ciinka mu muuya omwe mupati.

54 Nda kali kuunka mu lweendo, lwa citima. Elyo simubweza mikuli. . . Nda kajisi ka brifukesi kaniini mu janza lyomwe, sutikesi muli limbi, a kapakete kangu kaniini kakugezya cilezu mu nkwa yangu, nkabela ndakali kweenda. Simubweza mikuli wakeenda kumbele, akuti, “Sa inga Nda cibwezela nduwe?”

55 Nda kati, “Oh, Ndiya nkoonya buya ku citima, munene. Nda lumba, kapati.” Kutandila buyo, oh, mayaadi ali makumi otatwe.

56 Wa kati, “Nda cibweza,” elyo wa kabweza cintu ciniini a kwiibweza, wakazumanana kweenda.

57 Ee, cindi na kasika, Nda kayeeya ndiza Ndi . . . Ndi lizyi wa kali kubbadelwa, pele Ne kamupa buyo ii—ku mupa cisela ca dollar. Kwayanda wakali zijisi, zintu zyangu, kutandila buyo, kwaamba, miniti; kutandila kuciimo camamanino aa cikombelo eci, awo mpa katanta citima. Nda katanta citima, lutaanzi,

akutambikizya buyo ansi a kwiibweza. Nda kamupa cisela ca dollar.

Wa kati, “Asyoonto buyo!”

Nda kati, “Ino ncinzi, munene?”

Wa kati, “Nda bwezedede mabbeeki otatwe ako!”

Nda kati, “Iyi, munene, mbo mbubo. Ino, ino ncinzi calubila?”

⁵⁸ Wa kati, “Kubbadelesya kwangu kwaansi maningi maseenti ali makumi otatwe aosanwe bbeeke lyomwe. Ula cikwelete ca maseenti ambi ali makumi obilo aosanwe.”

Mwabona, obo mbuna America, zintuzyonse zyeedelede kubbadelwa.

⁵⁹ Wano enzya mu mootokala wako nkabela waulekela kuwida mu cilindi, nkabela wajana muntumwi kuti akukwele kuzwa. Ncibotu walibambila kubbadela, nkaambo bayo kubbadelesya kuli nkuko. Ikuti sikubweza myootokala ipwaikide asika kukugusya, uyo kubbadelesya *kunji boobu* ku maile lyomwe. Alimiwi ikuti na mulimi, naini kuzwa mu teeni, wagusya tarakita lyakwe, ciyo indila kwiindila kwinda ceeco.

⁶⁰ We elede kubbadelela zintuzyonse nzyo kacita. Zintuzyonse ngu “Bbadela! Mali! Bbadela! Mali!”

⁶¹ Elyo nekubaboobo ncilamfu buti cilindi omo cibi mocaka kusowela! Nguni wakalino sola kukugusya kuzwa mu cilindi ca cibi? Pele Leza ula kugwisya kuzwa mu cilindi ca cibi, kakutakwe mali, kakutakwe muulo, cindi nokutakwe umwi ukonzya kukugusya.

⁶² Ikuti na tomu bbadeli kabotu sikukwela wako wa moota uufwide, uyo kkala mu cilindi. We elede kuba a mali nape kokkede mu cilindi.

⁶³ Pele cilindi cibyaabi nco kasola kunjila, ceeco dyabulosi mwaka kusowela, cilindi ca cibi a kutasyoma. Leza kaliyandila kukukwela kuzwa, kakutakwe mali, kakutakwe kubbadelesya. Elyo nekubaboobo uli lede mu cilindi, kobumbulusya cibi acoongo, nkabela kuta sola ku Mwi ita.

⁶⁴ Cindi wajana sikukwela moota upocaukide, kanji ba bikka nketani mpati kulaale mu cilindi, kwizambaila ku bbampa na bumwi, akutalika kugaya. Elyo nguzu zya mootokala zitalika kudonsa, nkabela mota italika kubeleka, akukudonsa kuzwa.

⁶⁵ Cindi Leza akujana mu cilindi ca cibi, akumvwa kuti ula Mwiita, Walo utuma nkentani ansi eyo yakazambailwa ku Kalivari, luyando lwa Leza, akuhaka ku moyo wako, akubikka Nguzu zya Muuya Uusalala alya, kutalika kukwela. Elyo taciku toleli cintu. Elyo nekubaboobo tula kkala mu cidindi nkambo ta tukonzyi ku cibbadelela kubelesya nkomo zyesu. Tobana America tu yeeya kuti inga twa cibbadelela kubelesya nkomo

zyesu, pele tamu konzyi. Calo tacikwe mali na tacikwe muulo. Tamu cibbadeleli ku mbungano. Jesu waka cibbadelela aa Kalivari. Pele bantu bausansoni kuli Neico. Ba Ci yanda munzila yabo. Leza uli jisi nzila yaku Ci tambula, alimwi Nca kutabbadela ikuti na uyo Ci bweza.

⁶⁶ Kanji, cindi ba kusonsa kuzwa mu cilindi, ula kwalaulwa konse, weelede kuya ku, cibbadela. Alimwi kabatana talika kubeleka ali nduwe, cintu comwe kacitana citwa, bala buzya, “Nguni uyo bbadelela bbiilu? Ikuti na tuyo suma zilonda, ikuti na tuyo tila mafuta, a kukupa nyeleti ya—ya kusitwa kuzwa kucikola ca bulowa, ino musyobo nzi wa insualensi ngo jisi?” Kabatana kucita cintu comwe, eeledede kuba mali munzila.

⁶⁷ Pele cindi Mwami wesu abikka nketani Yakwe ya luyando kuzunguluka moyo wako, aku kudonsa kuzwa mu cilindi ca cibi, Ula ponya onse moyo uutyokede, kugwisya conse cibi. Elyo bbiilu ilabikkwa mu lwizi lwa kuluba, kuyeeya kulwiya nduwe pe. “Boola, kakutakwe mali na kakutakwe muulo.” Takukwe makani obo mbo pandukide, obo mbo cuzaukide cabubi, obo mukwasyi wako mbo ucita, na eco nco kacita, taakwe bbiilu kuli neico. Ula ponya kucisa kwa myoyo, kugwisya buusu bwako boonse. “Wa kayaswa nkambo ka nsotoko, waka cuzaulwa nkaambo ka milandu yesu; kukomwa kwa luumuno lwesu kwakali ali Nguwe; a ku mibunda Yakwe twa kaponesege.” Taku bbadelelwi konse.

⁶⁸ Alimwi ta tuka Ci tambuli, nkambo tweendelezegwa a muuya mubi. Tweendelezegwa a muuya wa cisi, muuya wa inyika, mubusena bwa kweendelezegwa aa Muuya wa Leza, Muuya Uusalala, oyo utu sololela a ku tweenzya ku Tusimpe tonse, akubamba Bbaibbele obo.

⁶⁹ Ciindi cimwi cakainda, Nda kali kwaambaula ku muhedeni. Wa kati, “Amu ciyeeye, Ba. Branham. Konse oku kupenga kwa buumi, a cintu biyo nco tu jisi, kuti twa kafutulwa, malembo akainda a Cijuda.”

⁷⁰ “Oh,” Nda kati, “munene, konse oko kwayanda nko jisi, pele Ndi jisi cintucimwi ciinda ceeco. Ndi jisi Muuya wa Oyo waka Li lembe, Walo Uli simpikizya aku Li bamba obo, cisyomezyo conse.” Taa kazyi nzila yakutola ceeco.

⁷¹ Mwabona, weelede kusika akuula kakutakwe mali, kuula kakutakwe muulo. Ta citoleli cintu. Nca mahala “kufumbwa uyanda, walo aboole.” Leza ula kudonsa kuzwa mu cilindi.

⁷² Mbuli mwaalumi ku mulyango uutegwa Mubotu. Wa kali musoweledede mu cilindi, kuzwa mwida lya banyina, kwinda kuli dyabulosi oyo waka lemanya ku matende. Nzila yakwe yakuponena yakali ya kulombelela zya luzyalo kuzwa ku bantu abo bakali kwinda. Alimwi mbuli mbwa kali kukkede kuseeno oko, wa kabona bakambausi bobilo ba pentekoste kaba boola. Kabata jisi kakkobili akati kabo, nkambo wa kati, “Nsiliva

Nse jisi.” Elyo kakkobili nkabeela kaniini maningi ka nsiliva. “Nsiliva a ngolide Nse jisi.”

⁷³ Ndi yeeyela kuti mwaalumi wakali kuyeeya kuti cintucimwi mbuli ceeci. “Taku yandikani kubweza nkapu yangu.” Ndiza wa kali kusola kuyobola mali manji. Wa kali myaka ili makumi one yakukomena, alimwi ndiza wa kali kusola kuyobola mali manji, basilisi bakali kukonzya kumu pangila lumano, lwa kweendela, kwa, walo, mungo zyakwe nku nkuko nkwaka kompeme. Elyo ndiza wa kayobwede mali, kalede mu mundando, basilisi kabatana ku mugwasya. Elyo ncobeni tayandikani kuteelekezya nkapu yakwe kuli baaba bakambausi ba pentekoste abo bata kajisi cintu. I coolwe, ba i. . .kali mucete maningi, kukonzya nokuba kujana sheleni kuzwa ku balombwana.

⁷⁴ Pele cindi na kabalanga ku meso abo! Umwi, mukubusyi a kuungumana ku mukubusyi; aumbi, ucembeede a usutene lukanda; mbuli Johane. . .mbuli Petro a Johane nibakali kuya ku mulyango. Wa kabona cintucimwi mu muntu oyo mukubusyi. Oko nkuti, kuungumana kwakali kupati aniini kwiinda kwalyonse. Wa kabona kungsi lya kusutana kwa lukanda a kubamba, kwa zuba lina Galilaya lyakali kumpa busyu bwa muzeli mudaala, kwakali ii “lutangalo lutaambiki, a kuzula bulemu.” Wa kabona cintucimwi cakali kuboneka kwiindana aniini.

⁷⁵ Nywebo mulizi, kuli cintucimwi kujatikizya Bunakristo, kubamba bantu kulibonya bwandeene. Balo mbantu babotu maningi mu inyika yoonse.

Alimwi wa kajisi nkapu yakwe nkabela wa kiiteelezya.

⁷⁶ Elyo muapostolo Petro, mukuba mupati winda, wakati, “Nsiliva a ngolide Nse jisi.” Mu majwi ambi, “Nse konzyi kukupa noiba yomwe, ya kuula aya makkilacci. Nsiliva a ngolide Nse jisi, pele eco Nce jisi!” Wa kali kuyoula kuli Nguwe oyo waka jisi bucci a lutangalo lwa waini wa lufutuko. Wa kazwaa kusika, mazuba obilo na otatwe kakutanaba obo, kuzwaku Pentekoste, oko cintucimwi nkocaka citika.

⁷⁷ Elyo mwaalumi mukubusyi wakasotoka a “ameni” mupati nconzyo kuli ncico, akulanga ku busyu bwakwe.

⁷⁸ Ncinzi cakacitika? Eyo nketani ya lweetelelo, luse Lwakwe lwa kati, “Nda kajisi luse kuli baciswa,” oyo Muuya nguonya waka tola busena mu moyo wa muzeli mudaala. Wa kati, “Mbuli kuciimo ca mali, Nse jisi, pele Ndi jisi cintucimwi ciya kutola busena bwaco ziindi zili milioni. Mbuli eco Nce jisi!”

⁷⁹ Lino amuyeeye, Petro wakali Mujuda, alimwi balaa yanda mali, kubupange, pele oyu Mujuda wakali sandukide. Kutali, “Mbuli eco Nce jisi, Nda sambala.”

⁸⁰ Pele, “Mbuli eco Nce jisi, Nda kupa! Mbuli eco Nce jisi! Ndi jisi sheleni mu nkomo yangu. Nse konzyi kuula cinkwa.

Nse konzyi kuula cintu. Nse jisi seenti. Pele ikuti na inga wali tambula, mbuli eco Nce jisi, Ndila kupa nkaambo caka pegwa kuli ndime.” Eco nco tuyanda. “Mbuli eco Nce jisi, Nda kupa.”

“Ino ujisi inzi, munene?”

⁸¹ “Ndali kuli Nguwe oyo usambala mukupa a bucci, kakutakwe muulo. Njo Cipa kuli nduwe. To jisi cikwelete kuli ndime ca Ncico. Ikuti na inga wa Ci tambula, Njo Cipa kuli nduwe. Kutali mbuli umwi unga wabbadelesya, pele abo banga bapa.”

⁸² Nkaambo, “Mbuli mbo mutambula cabuyo, amukape cabuyo.” Kwakali kulailila kwa Mwami wakwe, katana inda buyo mazuba otatwe. “Kamuya mu inyika yonse, muka kambauke Makanimabotu. Oyo uusyoma akubapatizigwa uyo futuka; alimwi oyo uutasoyomi uyo zulwa. Ezi zitondezyo ziyo batobela abo basyoma: Mu Zina Lyangu bayo tanda badyabulosi; bayo amba mu myaambo mipya; ikuti na banywa zintu zijaya, tazi kabacisi; ikuti na babweza nzoka, tazi kabapenzyi. Mbuli mbo mwatambula cabuyo, amukape cabuyo.” Oyo Mujuda wakali cincidwe.

⁸³ Cintu nco tuyandikana mu America nkucinca, kwa Muuya Uusalala kutola busena bwa zilengwa zyesu zimwi zyabukombi. “Mbuli mbo mwatambula cabuyo, amukape cabuyo.”

⁸⁴ “Mbuli eco Nce jisi, Nda kupa: Mu Zina Iya Jesu Kristo waku Nazareta, buka weende”; lusyomo mu Zina elyo linjoloma Iya Mulengi! Ta cigambyi wa kaunka kabilingana a kusotoka a kulumbaizya Leza!

⁸⁵ Oh, mulizi zintu zipati, ndiza wa kali kkede alya kwa myaka ili makumi one, kasola kujana mali manji aku muulila makkilacci, pele ta kakonzya kucicita. Pele moonya mu busena ncobeni butayeyelwi, a ciindi citayeyelwi, a kutayeyelwi ncobeni, bantu batakweankobaya, wa kajana eco ncakali kuyanda. Ndili kkomene loko kuti Leza ulacicita munzila eyo.

⁸⁶ Elyo nkamu ya, bategwa babumbulusi baniini busiku bumwi, Nda kajana eco Nce kali kuyanda, eco catakali kakonzya kuulwa ku mali. Mu nkamu ya bantu batasami kabotu, batayiide, batazyi kulemba akubala, Bantu basiya, ku kutalika, kulaale okuya mu buyake bwakaindi buniini bwakali bwakusambalila zikola bwakacincwa, Nda kajana muulo, ciyandisi; cindi oyo muntu usiya nakalanga ku meso angu, a kuti, “Sena waka tambula Muuya Uusalala kuzwa noka syoma?” Oh, Ca kali cintucimwi Nce kali kuyanda. Nse kalangila ku Ci jana akati ka bantu abo, pele bakali jisi eco Nce kabulide.

⁸⁷ I U.N. sunu, inga teeba zumina eco nco tu jisi, pele eco nce ncico ncoba yandikana. Khrushchev, bonse bamwi babo, bayandikana Kristo, mu lubbizyo Iwa Muuya Uusalala. Luyo cinca bube bwabo bugame. Luyo bamba bantu, abo basulaika,

kuba babunyina. Luyo gwisya buunyu, a munyono a nzwango; a kubikka luyandisyo a lutangalo, a luumuno, bubotu a luse.

⁸⁸ Iiyi, mu busena butayeeyelwi, ziindizimwi oko nko jana nco yandaula.

⁸⁹ Ino bana ba Israyeli niba kapa nzi (zyonse zisaalo zya Egepita) kakuli milomo yabo yakali kusweka malowa, kakuli milaka yabo yakali kulengelela anze lya mukanwa mwabona? Niba kapa zyonse ngolide nziba kasaalila bana Egepita, ku maanzi akunywa mabotu atontola. Basololi babo bamu nkanda baka basololela kuzwa ku oasisi kuya ku oasisi, kuzwa ku cilindi kuya ku tusensa, pele zyonse zyakali yuminide.

⁹⁰ Mpawo bakasika, kakutakwe mali na kakutakwe muulo! I Jwi lya kakanana ku musinsimi a kuti, “Kanana ku mwaala,” cintu cakayuminide loko mu nkanda, cintu cakali kule loko ku maanzi. Mpaawo nyota yabo yakamana, kakutakwe mali na kakutakwe muulo. “Kanana ku mwaala.” Kutali kubbadela ku mwaala pele “kanana ku mwaala.”

⁹¹ Walo ucili Mwaala a sunumasiku. Walo Mwaala mu nyika ikataazya. Ikuti na uli mu lweendo mu nyika eyo ikataazya, kanana ku Mwaala. To elede ku Mu bbadela; kanana kuli Nguwe. Elyo Walo ndugwasyo luliko nconzyo mu ciindi ca mapenzi. Ikuti na uli cisidwe, kanana ku Mwaala. Ikuti na uciswa cibi, kanana ku Mwaala. Ikuti na wa kataazigwa, kanana ku Mwaala.

⁹² Mwabona, kuboneka kuti inga kwaba kuli konse...Kwa kaboneka mbuli, kuti taakwe maanzi kunselelo mu masena masyoonto oko kwakali tusensa, ni kwaata janika maanzi atala lya mulundu oyo, ku mwaala. Leza ula cita zintu kujokela kusule kuzwa kuli ceeco muntu nayeeya. I mwaala, busena bwakayuminina maningi mu nkanda, pele Wa kati, “Kanana ku Mwaala.”

⁹³ Sunu, bantu bakeenwa loko. Ba yeeya kuti na bakonzya kuunka akwaamba mipailo yabo, kubbadela mupaizi kwaamba mipailo misyoonto kuli mbabo, kubbadelela nzila zyabo zyonse. Ikuti na bayo yaka mbungano mpati kubusena bumwi, nkabela muvubi umwi uyo cigwasylizya, kuzumanana kupona mu zisusi, kuba a muntuumwi umbi kumu bbadelela, uyeeya kuti nce ncico. Leza tayandi mali ako abusofwi. Cintu conse Nca yanda nkulipa kwako a buumi bwako ku kanana kuli Nguwe. Leza waka kupa mali, utaa belesyi ku zintu zita kikutyi. Abelesye ku zintu zikkutya. Pele kuleta kukkuta kwini, to konzyi kukujana kusikila wa kanana ku Mwaala.

⁹⁴ Wa kaleta meenda aapa buumi, kakutakwe mali na kakutakwe muulo. Elyo ba kanywa, nkabela nkamele zyabo zyakanywa, a bana babo bakanywa, alimwi kacili kasensa kakunka mu nkanda.

95 Elyo mbubonya Mbwali Mwaala asunu, mu nyika eyi ikataazya, wa bantu banyonyooka. “Kufumbwa oyo uusyoma Nguwe taka nyonyooki pe, pele uyooba a Buumi Butamani.”

96 Amubone. Busiku abumwi, teeba kayandikana kulibuzya makani a cinkwa. Cinkwa cabo cakaletwa kuli mbabo, busiku abumwi, cabupya.

97 Tula unka asunu kuyo ula cinkwa. Ikuti na uli mukumbizi, nkabela weenda awa ku cintoole, a kuti, “Ndi yanda cinkwa.”

98 Inga wati, “Kondi tondezya, lutaanzi, maseenti ako ali makumi obilo aosanwe. Nde elede kuba a maseenti ali makumi obilo aosanwe aa cinkwa eci.”

99 Elyo ncinzi nco jisi cindi wa cuula? Eci cili zwide aniini kuzwa ku bweende, pele uli jisi caanda maningi eco whiiti ncoi konzya kupa. Bala gwisya onse i—i mavitamini kuzwa kuli ncico, busenga bonse, akubupa ku ngulube. Kusanganya cilwi ca kakandwa eco cijata busenga antoomwe, a ku busefa, a kupanga cinkwa, kubelesya maanza, atombe abusofwi, ziindi zinji. Mula bona eco ncomu jana mu zinkwa zyanu, ciindicimwi, tukata twa masusu, a zintu zitasalali, a tubeela twa susu, a zintuzyonse zimbi ziwida mu mabbekari ayo. Bantu basizibi baciswa tunswende, a zintuzyonse, ku cisanganya. Ikuti na wabona kacipangwa, inga tosola kucilya. Elyo, nekubaboobo, ula bbadela maseenti ali makumi obilo aosanwe nape tokonzyi kucuula.

100 Elyo Leza wakaba sanina busiku abumwi, cinkwa caka jikwa aa maanza a Baangelo; kakutakwe mali, kakutakwe muulo. Elyo asunu, eco cinkwa cakaimina Kristo, Buumi bwa kumuuya, kaselemuka kuzwa ku Julu, kuzopa Buumi Bwakwe.

101 Elyo Leza ulabapa bana Bakwe, abuzuba, lujano lupya. Mula yeeya, ikuti na cinkwa baka cilekela kuba mbutikwa, caka sofwaala.

102 Mula mumvwa umwi kaambaula, “Ee, Ndi jisi. . .Ndila kwaambila. Ndili muna Lutherani. Ndili muna Presbyteria, Baptisti. Ndili muna Pentekoste,” eco ncinkwa buyo caka pangwa a maanza akaindi. Nku koonse kuliko kuli ncico, ncisofwi buyo, a caka pangwa a maanza a bantu.

103 Pele cindi wamvwa lujano lwa bumboni, cabupya, “Kuseeni okuno, mu mupailo, Muuya Uusalala wabizya buntu bwangu cabupya,” oh, mukwesu, eco Ncakulya ca Baangelo. Ula basanina cabupya, abuzuba, cizwa ku Julu.

Kuloka kwa zilongezyo nku tubulide;
Madosi aluse aloka kutu zunguluka,
Pele ku kuloka nko tulomba.

104 Oh, iiyi, tuma kuseluka kuzwa ku Julu, cabupya, Mwami, Kristo Ncinkwa ca Buumi. Ko Ci waala mu moyo wangu, aku ndilekela kubotelwa Busyu Bwakwe bupati.

105 Masimpe, bakali kulumba. Bali lumbide. Alimwi kufumbwa mwaalumi na mwanakazi wakazyalwa ku Muuya wa Leza, akutambula Muuya Uusalala, uyo lumba lyoonse. Takukwe makani kufumbwa cicitika, uyo lumba.

106 Mbuli musankwa muniini, moofu kutala mu malundu, Benny muniini, wa kazyalwa. Kutandila myeezi ili lusele yakukomena, tubale twa katalika kukomena mu meso akwe. Bazyali bakwe bakali bacete. Ba kali kukkala kumbali lya cilundu cabulongo cakaindi. Elyo ba kalizi kuti kupandulwa oko ni kwaakonzya kuvuna meso a Benny muniini, kutegwa kakonzya kubona. Wa kazyalwa lino katandila kuba amyaka ili makumi obilo yakukomena. Bazyali bakwe bakali kukonzya kujana kunji kuula zinkwa zyabo a nyama kwa mwaka. Tiiba kakonzya kucita kupandulwa.

107 Boonse basimukobonyina, antoomwe, baka mubona Benny muniini kasola kusobana a bana baniini anze alya, kaofweede. Ta kali kukonzya kubona eco ncali kucita. Ba kafwa nsoni. Elyo umwi aumwi, oyo mwaka, baka yobola cibeela cimbi ca zisyango. Ba kabelekesya aniini mu kumweka kwazuba. Elyo cindi zisyango nizya kasambalwa mu butololo, ba kabweza mali a kutansika Benny muniini a citima, a kumu tumina kuli dokotela.

108 Ba kakutauka kupandulwa cakuzwidilila. Elyo cindi naka bweeda, boonse basimukobonyina bakabungana cindi Benny muniini naka seluka kuzwa mu citima. Meso akwe, maniini mabotu kabalama. Wa katalika kukwiila akoompolola, mbuli mbwa kabalanga kumeso abo.

109 Umwi waba kkondakita wakati, “Mulombe, ino kwa kakutolela mali nzi kupandulwa oko?”

110 Wa kati, “Mudaala, Ta ndizi na mali nzi akatolela bantu aba. Pele Ndili kkomene loko kuti Nda konzya ku kubabona kumeso abo, abo bakabbadela muulo.”

111 Nje nzila mbo tulimvwa. Nse zyi mbo Ca katolela Leza. Ndi lizi kuti Wa kandipa cibotu maningi Nca kajisi, Mwana Wakwe. Pele Ndili lumbide kapatu kuba akukubona oku kwa kumuuya, cakuti Nda konzya kulanga kumeso Aakwe akuziba kuti Wa kandi fwida. Nse zyi mbo Ca ka Mu tolela. Ta tukwe nzila ya kuceeleka. I muulo mupati kapatu. Inga nse mwaambila mboubede. Pele Ndila lumba. Ndili lumbide, kuti, omo Nda kali moofu lumwi, Nda konzya kubona ono.

112 Ndili lumbide cakuti cindi ba Mayo Brothers baka ndaambila kuti ciindi cangu cakali kkwene, cindi madokotela niba ndaambila kuti Nse kali kukonzya kupona limbi, myaka yakainda ili makumi obilo ayosanwe, Ndi cipona asunu. Nse zyi mbo caka tolela Leza, pele Ndili lumbide kuti Ndila pona.

113 Lumwi Nda kali sizibi, kaangidwe mu cibi, a kucisa kwamoyo, lufu luyoosya loko. Pele, asunu, lufu nkuzunda

kwangu. Aleluya! Inga kwandi leta mu Busyu Bwakwe Mbwe yanda, kuti Nda konzya kulanga kumeso Aakwe. Wa kacinca cintu, kwinda ku kupandulwa, Wa katola moyo wangu aku ubamba kuba mupya. Ndi lizi cintucimwi ca kacitika kuli ndime.

¹¹⁴ Mu mutende wa butololo bwakainda, mu Minnesota, kwakali musankwa muniini waka bweza ncinga yakwe akuya ku cikombelo cifumo cimwi, ku kwiiya kwa Munsondo. Aumbi mwaalumi mukubusyi mu busena bweengelede, ta kajisi ncito a kwiiya kwa Munsondo, wa kabweza mweenzinyina musimbi akwiinka kuyo sobana a caanda. Alimwi mwaalumi wakali mwaalumi usimide, nkabela wa kanjila mu caanda cuuba a kuwa. Wa kaseka musankwa muniini cifumo eco mbuli mbwa kaselemuka mugwagwa, kaambila mweenzinyina musimbi, kati, “Eco ncikama ca basikwiindilizya ciya ku cikombelo eco.” Elyo cindi na kawa mu caanda, mweenzinyina musimbi wakali kule kuzwa kuli nguwe. Waa kali muuba; waa kali tantamukide. Pele cindi nakasika a kubikka maboko akwe aa caanda, wa kalebuka, nkabela wakalengelela aatala lya caanda.

¹¹⁵ Mweenzinyina musimbi wakasola kutambikizya kuli nguwe, pele waa kali kulema maningi, na kabbila mu caanda. Wa kamu kwiilila kuti, “Joka! Joka! Ula bbila biyo mukati, nkabela tonse tula nyikila.” Wa kakwiila, wa kalila, nkabela taakwe caka mugwasya.

¹¹⁶ Kwiinde kaindi, atala lya cilundu, kwakasika ncinga niini, kaiccovwa, musankwa muniini kajisi Bbaibbele munkwa yakwe. Wa kamvwa kukwiila, nkabela waka ccovwesya ncinga yakwe niini. Wakabikka Bbaibbele lyakwe ansi, akuzuzila aa caanda. Wakayavula aa da lyakwe, kasamide zisani zibotu, kusikila wa kajata maboko aa mwaalumi, a kuzumanana ku mudonsa, kusikila wa kamugwisya kuzwa mu caanda. Wakazuzila kubusena kubikka katondezyo ku mootokala. Ba katumina ambulensi akuzo mubweza kuyaku cibbadela.

¹¹⁷ Naka mana kwiinka a kubbadela ambulensi, kabbadela bamadokota ku nyeleti zya tumano a zintu nzya keelede kucitilwa, wa kasika ku musankwa muniini. Wa kati, “Mulombe, ni nkongole nzi Nje jisi kuli nduwe?”

Wa kati, “Kwiina.”

¹¹⁸ Wa kati, “Ndi jisi nkongole ya buumi bwangu.” Amu ciyeeye. Mali taka konzya ku cibbadelela. Bwa kali buumi bwakwe.

¹¹⁹ Eyo nje nzila mbo tweelede kulimvwa kuli Leza. Kutali kuula nzila zyesu do ku cintucimwi; pele tu jisi nkongole ya buumi bwesu kuli Leza, nkambo tuli mukufwa a kubbila mu cilindi ca cibi. Leza waka waala maboko Aakwe akundi samika cikobela.

Nda kali kubbila kungsi mu cibi,
 Kulaale kuzwa ku cito ca luumuno,
 Kajisi kabata kasakene loko mukati,
 Kubbila kuta cibuka limbi;
 Pele Simalela wa lwizi
 Wakamvwa kulila kwangu kutakwe bulangizi,
 Kuzwa ku meenda wakandi nuna,
 Lino Ndili kabotu.

¹²⁰ Ndi jisi nkongole ya buumi bwangu kuli Nguwe. Ujisi nkongole ya buumi bwako kuli Nguwe. Ujisi nkongole ya buumi bwako kuli Nguwe, ku Mu belekela; kutali ku cipa, kweenda konse akuli kankaizya zya kabungwe kako ka mbungano; kutali kuunka konse aku kazya bamwi; pele kusola kubelekela akuvuna bamwi, aku baleta ku luzibo lwa Mwami Jesu Kristo.

¹²¹ I mwana mutaka. Mu kujala, Inga ndaamba ceeci. Cindi na katakanya zya kuponena kwakwe konse, wisi wakali kupona, a kupona kwa luuni, alimwi cindi nakali kujoka ku muunzi. . . Wa kali kulala mu caanda ca ngulube, mpawo wa kapempenukwa. Elyo wa kati, “Mbangaye bazike baka njila ncito, bataata mboba jisi, abo bajisi kunji kwa kuyobola, alimwi mpaawa Ndili mukufwa, nkambo ka kubula.” Ino ikuti na kasola kwaamba kuti, “Ndalibuzya ikuti na Ndi jisi mali kuteeti Nda konzya kubbadela kujosya bataata (eco Nce kabelesya kusobanya) awo?” Pele wa kali buzui bupange bwa bawisi, nkabela wa kati, “Njo buka kwiinka kuli bataata.”

¹²² Bawisi kwiina noba kati, “Lindila aniini, mulombe! Sena ujosya mali angu?” Peepe. Ta kamu bbadalisya ku zibi zyakwe. Wa kali kkomene kuti wa kali kujoka. Wa kali kkomene kuti wa kapempenukwa, nkaambo wa kali mulombe wakwe. Wa kali mwana wakwe wini. Wa kali kkomene kuti wa kali mu lweendo lwakwe kuya ku muunzi. Lino, ta kabotelwa ku cibi cakwe, pele wa kali kkomene cindi na kapempenukwa a kuti, “Nda kabisya kumbele lya Leza wangu, akumbele lya bataata. Njo buka akwiinka kuli mbabo.”

¹²³ Elyo cindi na kamubona, kulaale, wa kamuzuzila akuyo mu myonta. Elyo wa kati, “Amujaye moombe uneneede,” kakutakwe mali. “Amulete cikobela cibotu maningi,” kakutakwe mali. “Amulete nwenwe,” kakutakwe mali, “amwi samike ku munwe wakwe. Atu lye, akunywa, a kubotelwa, nkambo oyu mulombe wangu wakali sweekede nkabela ono wajanwa. Wa kali fwide, nkabela ula pona alubo. Atu kkomane kujatikizya ncico.”

¹²⁴ Akube kuti Nda ambe ceeci, beenzuma, ku kujala. I cintu cilikke eco cikkutya, zintu zini zilikke ziliko, zintu zibotu zilikke ziliko, tazi konzyi kuulwa a mali. Zyalo nzipego zya Leza zitaulwi, kwinda kuli Jesu Kristo: lufutuko lwa buntu; lutangalo. Boola ulye, a kukkuta.

Ninzi mu belesya mali kuli ezyo zitali zinkwa? a kubeleka kwanu kuli zeezyo zita kikutyi? amuswiilile camoyo onse kuli ndime, a kulya...eco cili kabotu, akulekela buntu bwanu kubotelwa bulikke muli i zilweela.

Amupempeke matwi anu, a kusika kuli ndime: amumwwe, nkabela buntu bwanu buya kupona; alimwi Njo bamba cipangano citeli a ndinywe, noluba luse lwakasimpe lwa Davida.

¹²⁵ Zintu zyonse zikkala ciindi cilamfu, zintu zyonse zibotu, zintu zyonse ezyo cibotezya, zintu zyonse ezyo Zitamani, tazyuulwi, akuta kutolela cintu. Ku mamanino a bulembo bwa Bbuku eeli, Iya kati, “Kufumbwa oyo uuyanda, aboole a kunywa kuzwa mu Meenda aa tusensa twa Buumi cabuyo,” kakutakwe mali, kakutakwe muulo. Nkaambonzi nco belesya mali aako kuli ceeco cita kikutya, a kuleka zintu zini zikkutya, cabuyo, koya cakutali vuna omwini?

Atu kombe.

¹²⁶ Kuciindi nomuli mu butontozi amu mupailo, sa kuli, bali mu buyake obu, kuseeni okuno, abo batana kunywa kuzwa ku Kasensa ako, cakuti kuyandisya kwa inyika kucili mu buumi bwanu, nkabela muyanda kucinca busena bwanu bwaku nywida, kuseeni okuno, na kaloba ku mali ako? Mu yanda kusika akuula kuzwa kuli Leza, (kakutakwe mali, kakutakwe muulo), buci a mukupa, lutangalo lwa waini? Sa inga wa tambika janza lyako, kuteeti, “Kondi ibaluka, Mukwesu Branham, mbuli wakomba”? Leza aku longezeye, munene. Leza aku longezeye, munene. Leza aku longezeye, mucizi. Sena kuli bambi banga bati, “Kondi ibaluka, Mukwesu Branham, mbuli wakomba”?

¹²⁷ Nobantu bamwi bantu baniini, inzya, nomwa katakaanya buponi bwanu. I—i—i maora ayo mutumbu nga kabelesya mu mupailo nkambo ka nduwe, alimwi taata, konse kuyiisya kwa kacitwa kuli nduwe, alimwi nekubaboobo wa kakubikka ambali, ku kuswiilila ku kusibila kwa dyabulosi. Lino uyanda ziimbo zya inyika, zintu zya inyika. Alimwi wa pempenukwa lwako, mbuli mwana mutaka mu caanda ca ngulube. Sa inga watambika janza lyako, mucizi, mukwesu, a kuti, “Leza, kondi ibaluka. Kondi sinsimuna, kuseeni okuno, andi boole ku ng’anda ya Taata”? Ta ciku toleli cintu comwe. Walo ula kulangila. Takukwe makani eco ncokacita, “Nekubakuti zibi zyanu ka zilasalalapyu, ziya kutuba mbuli caanda; kusubila mbuli nkandamalowa, ziya kutuba mbuli boya bwambelele.” Sena kuli abo bali mu Busyu bwa Buleza, banga batambika maanza abo?

¹²⁸ Abo bacisidwe a babulide, bati, “Nda—Nda kawida mu cilindi. Saatani wa—wa kandi bisizya. Wa kandi lemanya a kundi bamba kuciswa, na cintucimwi. Nda yanda, kuseeni okuno, nketani ya Leza ya lusyomo kunjila mu moyo wangu,

eyo iyakundi donsanya kuzwa mu cilindi eci, mbuli muntu ku mulyango uutegwa Mubotu.” Amu tambike maanza anu. Leza amu longezye, aumwi.

¹²⁹ Mwami, Nda leta kuli Nduwe, oora eli, abo batambika maanza abo, ku kujatilwa zibi zyabo. Yebo nduwe Leza, alimwi Leza alikke. Nkoonya nkoba kkedede ono, oko Nko kanana kuli mbabo. Nkooko Nko balamya kuti bali lubide, cindi Ijwi nilya kujana busena bwalyo, nkabela Muuya Uusalala watalika kukanana, akuti, “Muli lubide. Amunyone, akuboola alimwi kuli Leza Taata.” Alimwi ba tambika maanza abo, kutondezya kuti bali kuyanda kuzwa mu caanda eci cangulube ca munyika, kusika ku ng’anda ya Taata, oko kuli kunji, oko nkoba taka yandiki kuleta cintu. Mbuli sikuyabila mbwa kaamba kabotu kuti, “Kwiina mu maanza angu Nce leta, Nda kakatilila buyo ku ciingano Cako.” Akube kuti basike, cabubotu, cabubombe, a kulamwa, kupa maumi abo. Elyo Njo leta cikobela cibotu maningi; a nwenwe, akwisamika mu minwe yabo; aku basanizya Mana a Kabelele wakajaigwa. Ko cipa, Mwami.

¹³⁰ Kuli baabo bacisidwe a bapengede. Bali bulide. Saatani waka basowela mu cilindi, kwina kuzumbauzya, kubula mali akupandulwa. Kwiina kuzumbauzya, ndiza, bunji bwabo tiiba kakonzya kupandulwa. Ndiza musilisi taka konzya kugusya penzi, nokubakuti wa kajisi mali manji loko. Pele Yebo nduwe Leza. Elyo Nda lomba kuti ndyoonya oora eli, kungsi lya bunanike bwa Muuya Uusalala bakkede calino, kuti Uyo ponya umwi aumwi wabo. Akube kuti baponesegwe, kuzwa ku mutwe wabo kusika ku matende abo, kabeela konse.

¹³¹ Ikuti na taba jisi lutangalo; lufutuko lwabo, taba cikonzyi kubotelwa limbi. Mbuli Davida mbwa kaamba, wa kaindi, “Boozya lutangalo lwa lufutuko lwangu.” Aba tambule lutangalo a lukkomano, ku kudekela a kuungumana kwabo, nkambo Nduwe Mwaala mu nyika ikataazyza. Uli mayusilo mu ciindi ca guwolyamvula. Cindi dyabulosi nafusa malwazi onse a tudandamiti ali mbabo, Uli mayusilo mu ciindi ca guwo lyamvula. Akube boobo, asunu, Leza, twa cilomba mu Zina lya Jesu. Amen.

Cabuteteete a cabuuya Jesu ulaita,
Wiita nduwe, a ndime;
Nekubakuti twa kabisya, Uli jisi luse a
kujatila,
Kulekelela nduwe a ndime.

Boola ku muunzi . . .

¹³² Lino, ikuti na ula yanda, kuboola atala lya cipaililo akufugama ansi, kutegwa tupaile a nduwe, ku kunanika, kufumbwa ncotu konzya kucita. Uli tambwidwe.

... ikataazya, boola ku muunzi;
 Cakusinizya, cabuteteete, Jesu ulaita,
 Kaita, O sizibi, boola ku muunzi!

133 Sena Mula muyanda? Teddy, walombwa utupe bulile, “Nda Mu yanda, Nda Mu yanda nkaambo Wa kasaanguna kundi yanda.” Sa inga walujana olo?

134 Atu lwiimbe ku bulemu Bwakwe, katutana cinca bubambe bwa kuswaangana, asyoonto buyo. Oku nkukomba. I Mulumbe wayutuka. Ndili kkomene loko kuti mwa Utambula. Lomba kuti Uyo mugwasya, nkambo wandi gwasya Kuu kanana. Nda lomba kuti mbubonya bunanike bwa pedwe kuli ndime, Ku kanana kuli ndinywe, amuu tambule Walo mu bunanike mbubonya Mowa tuminwa. Akube kuti Mwami Au longezeye ku moyo wanu. Ncibotu.

Nda Mu yanda,

Lino amu jale buyo meso anu, mbuli mbo twiimba. Tu tambike maanza esu.

Nda Mu yanda
 Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

135 Lino atu kotamike buyo mitwe yesu, kulu ng’ung’una. Mula Mu yanda? Sena Tali kasimpe ku moyo wanu? Sena taakwe cintucimwi kujatikizya Nguwe, eco ncakasimpe loko? Nda Mu yanda nkaambo Wa kasaanguna kundi yanda, kawaala kuzwa ku ntambo ya Buumi kuzwaku Kalivari, ka Bu haka ku moyo wangu.

136 Muta lubi, Mukwesu Drummond ula tukambaukila sunumasiku, ku busiku bwa mulalilo. Ikuti na mula muyanda Mwami, muboole kunselelo kuzoolya mulalilo antomwe andiswe. I Mwami nawayanda, Ndi nooli okuno antomwe andinywe. Oyo mukwaansa wa Mukwesu Tony Zabel; Mukwesu Thom uuzwa ku Africa; mwana wakwe, musankwa mubotu; Munakristo wini, mubotu utonkomene, mukambausi muniini mubotu.

Nkaambo Wa kasaanguna kundi yanda
 A kuula lufutuko lwangu
 Aa cisamu ca Kalivari.

137 Kuciindi notu koteme mitwe yesu lino, mbuli piyaano mboi zumanana.

138 Mwami Jesu, tuli afwi kunjila kuswaangana kumbi, Mwami. Twa Ku lumba ku Muuya Uusalala oyo waambaula ku myoyo yesu. Alimwi tuli kkomene, Mwami, kuti Wa tucitila ceci. Elyo akube kuti Ijwi Lyako tali kajoki kuli Nduwe kakutakwe kubeleka, pele akube kuti Li manizye eco Ncolya kakanzilwa kucita. Akube kuti Li kkale mu myoyo yesu yoonse, kuziba kuti

zintu zyonse zini a zintu zitola ciindi cilamfu ziboole kuzwa kuli Leza, kakutakwe mali, kakutakwe muulo. Nkaambonzi ncotu konzya kupengaanina zintu mpawo, aku cibamba kuba makani a buumi a lufu, ku zintu ezyo ziya kuloba? Atu pengaane kunji, Mwami, ku zintu ezyo zita kalobi, zitakwe muulo. I muulo ulabadelwa cabuyo, alimwi kutondezya kutambula, “Kufumbwa uyanda, walo aboole.”

¹³⁹ Longezya cibeela caambele ca kuswaangana oku. Ko cipa, Mwami. Alimwi swaangana a ndiswe sunumasiku. Longezya mulimo wa lubbizyo. Akube kutilwa kupati. Akube kuti aba bantu, baya kubbizigwa mu Zina Iya Mwana Wako uuyandwa, Mwami Jesu, aba zuzigwe Muuya Uusalala. Akube kuti aba bantu, ba tambika maanza abo, beempwe, kuseeni okuno, ku zibi zyabo, aba boole, kusama zisani zyakubbilila, akunjila mu ciziba, aku tondezya ku inyika kuti baka jatilwa zibi zyabo. Elyo bali mukubbizigwa, kuli mbabo zya zimaazigwa kuzwa mu bbuku. Ko cipa, Mwami.

¹⁴⁰ Koba a Mukwesu Drummond sunumasiku mbuli mbwa tuletela mulumbe, mupya uuzwa ku Cuuno cabwami. Munanike a Muuya Uusalala. Alimwi koba andiswe mbuli mbo tulya mulalilo. Akube kuti myoyo yesu iisalale akunjoloma, kutabi busofwi muli ndiswe. Akube kuti Bulowa bwa Jesu butu salazye ku zibi zyesu zyonse. Ko cipa, Mwami. Kogwisya malwazi akati kesu, aku tupa lutangalo a luumuno. Kwiinda muli Jesu Kristo twa cilomba. Amen.

Nda yanda . . .

¹⁴¹ Sena mula Mu yanda? Lino amu tambike maanza anu kuli Nguwe.

Nda Mu yanda

Nka- . . .

Lino tambikizya a kusukana maanza a muntuumwi uli munsil yakwo.

. . .kusaanguna . . .(Russell, Nda Mu yanda.

Ikuti na Nda fwa sunu, Nda Mu yanda.)

A kuula . . .

Mbo mbubo, amu tambikizya kuzyunguluka konse a kusukana maanza.

. . .lufutuko

Aa Kalivari . . .

Ncibotu, Mukwesu Neville, a ijwi lyakwe. Ncibotu.



KAKUTAKWE MALI NA KAKUTAKWE MUULO TNG59-0802

(Without Money Or Without Price)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Ivwivwi 2, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakatagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org